

„Guitar Fest BiH“

Usmjeriti mlade na drugačiji vid zabave od onog uobičajenog u sredinama poput grada Fojnice je Sizifov posao. Mladi okupljeni oko omladinskog Centra Stella iz Fojnice žele svojim sugrađanima pokazati da je to moguće. Gitaristi iz cijele BiH su uz muziku i mnoštvo radionica u dva dana ovog festival pokazali kako se zabaviti a uz to i ponešto naučiti, na drugačiji način.



Da li je tvoj projekat realizovan onako kako si prvobitno naveo u svom prijedlogu projekta? Ukoliko ne, navedi izmjene i razloge:

Projekat je realizovan onako kako je prvobitno u prijedlogu projekta napisan uz male promjene budžetskih stavki.

Da li je ispoštovan budžet projekta? Ukoliko nije molim te da navedeš izmjene kao i razloge za iste?

Budžet projekta nije u potpunosti ispoštovan. Došlo je do promjena kod određenih stavki budžeta nastalih zbog novih tehničkih okolnosti usred realizacije projekta.

Navedi i procjeni rezultat svake od projektnih aktivnosti ?

Prva aktivnost Guitar Festa BiH je nastup učesnika gdje su se učesnici družili i takmičili međusobno. Publika je bila pozitivno iznenađena jer je to bio prvi projekat ovakvog karaktera. Smatram da je potpuno ostvaren rezultat jer je prvenstveno bilo prisutno mnogo publike i većina su bili oduševljeni projektom i već su počeli da postavljaju pitanja kad će sljedeći ovakav festival da se organizuje u Fojnici.

Druga aktivnost Guitar Festa BiH je bila edukacija koju su vodili treneri iz Asocijacije srednjoškolaca u Bosni i Hercegovini na kojoj su prisustvovali i učesnici i mladi iz Fojnice bila je to grupa od 21. učesnika. Teme obrađene na edukaciji bile su: projekt menagement, timski rad i komunikacijske vještine Na osnovu evaluacije koju su ispunili učesnici, edukacija je održana uspješno. Učesnici edukacija su stekli i razmijenili nova iskustva, znanja i prijateljstva.

Da li si i u kojoj mjeri ostavario željeni rezultat sa svojim projektom?

Željeni rezultat je ostvaren u potpunosti.

Kakve promjene je tvoj projekat izazvao u tvojoj sredini?

Prije projekta 90% mojih prijatelja nije vjerovalo da ovakav jedan projekat ostvari u Fojnici, ali nakon ostvarenog projekta se oformila grupa mladih koji žele također da rade slične projekte, a učesnici koji su pohađali su se izjasnili da će obrađene teme na edukacijama primijeniti u svojim sredinama i također su spremni da doprinesu radu budućim Guitar Festovima.

Kakvo je tvoje iskustvo sa programom FOP te da li bi se ponovo prijavio ili preporučio drugima?

FOP je jedna super ideja i projekat koji pruža mladima da iskažu svoju kreativnost kroz razne projekte, smatram da projekti u vrijednosti do 4000 KM u BiH mogu puno toga da se promijene kako u manjim sredinama tako i u većim. Naravno preporučujem svim mladim u BiH da konkurišu sa projektima za sredstva iz FOP-a. Također super stvar jeste što FOP je prilagođen za sve mlade bili oni iskusni ili ne. Konkretno pri pisanju projekata uopće to ne mora da bude neka striktna forma pisanja projekta nego samo dovoljno da se opiše ideja svojim riječima.

